

四庫全書

史部

欽定四庫全書

輿地廣記卷三十

宋 歐陽忞 撰

成都府

上黎州漢屬蜀越雋二郡晉時李特據蜀置漢源郡後  
周置黎州隋仁壽初置金州大業初州廢唐武德元年  
復置九年又廢大足元年置黎州神龍三年州廢開元  
四年復置天寶元年曰洪源郡後曰漢源郡今縣一

下漢源縣本嚴道縣地李特置漢源郡桓溫平蜀廢之  
隋大業初置漢源縣屬臨邛郡唐武德四年置登州九  
年州廢屬雅州貞觀二年屬雋州永徽三年復故大足  
元年置黎州取古沈黎郡為名有邛崃九折坂漢王陽  
為益州刺史行部至此嘆曰奉先人遺體奈何數乘此  
險後王尊為刺史至坂叱其馭曰驅之王陽為孝子王  
尊為忠臣漢源鎮本縣所治後徙治於州郭而以故縣  
為鎮通望鎮本陽山縣唐武德元年析雋州之臺登置

屬登州九年州廢屬雅州貞觀二年屬雋州大足元年  
屬黎州天寶元年改曰通望皇朝慶歷七年省入漢源  
故飛越縣唐儀鳳二年析漢源置以飛越山為名初屬  
雅州後屬黎州五代之際省入漢源按沈黎郡本作都  
地漢武帝開之置郡既而罷之李特據蜀復置沈黎郡  
桓溫平蜀廢宋齊以來復置後周置黎州及沈黎郡尋  
並廢隋開皇初置沈黎縣仁壽初置登州大業初州廢  
後縣亦省其地在今化外雋州之域所謂古沈黎城是

也

上雅州秦屬蜀郡西漢因之東漢為蜀郡屬國劉備置  
漢嘉郡晉因之永嘉後亂離此地蕪廢西魏開生僚置  
蒙山郡隋初郡廢置雅州煬帝初州廢置臨邛郡唐復  
曰雅州天寶元年曰廬山郡今縣五

中嚴道縣漢屬蜀郡漢制縣有蠻夷曰道晉屬漢嘉郡  
西魏置始陽縣及蒙山郡隋開皇初郡廢十三年改始  
陽曰蒙山尋置雅州大業初置臨邛郡改蒙山縣曰嚴

道唐復曰雅州有蔡山禹貢所謂蔡蒙旅平是也今曰  
周公山始陽鎮本漢徙縣屬蜀郡晉曰徙陽屬漢嘉郡  
西魏曰始陽唐以為鎮

上廬江縣本漢青衣縣地屬蜀郡隋置廬山鎮仁壽末  
升為縣屬臨邛郡唐屬雅州儀鳳二年析置大渡縣長  
安二年省靈關寨本漢靈關道屬越雋郡後廢唐初置  
靈關縣武德六年省晉左思蜀都賦云廓靈關而為門  
謂此也

中名山縣本漢青衣縣地西魏置蒙山縣隋開皇十三年改始陽曰蒙山而改蒙山曰名山屬臨邛郡唐屬雅州漢彭越徙蜀青衣蓋在此也有禹貢蒙山

中百丈縣唐武德中置百丈鎮貞觀八年升為縣屬雅州有百丈山

中上榮經縣本嚴道縣地晉屬漢嘉郡唐武德三年置榮經縣屬雅州有邛崃山漢淮南厲王徙嚴道邛郫即此有故銅山漢文帝賜鄧通嚴道銅山得自鑄錢蓋此

山也

上茂州本冉駹國漢武帝開其地置文山郡尋罷屬蜀  
郡東漢靈帝時復置汶山郡晉宋齊皆因之梁置繩州  
及北部郡後周改繩州曰汶州隋初郡廢改汶州為蜀  
州尋改曰會州大業初州廢復置汶山郡唐武德元年  
復曰會州四年曰南會州貞觀八年更名茂州取茂濕  
山為名天寶元年曰通化郡今縣二

下汶山縣本漢汶江湔氐三縣地文山郡治焉故城在



今縣北二里郡罷屬蜀郡後復置汶山郡及汶山縣晉  
因之宋曰廣陽縣梁置北部郡開皇初郡廢屬會州仁  
壽元年復改廣陽曰汶山唐置茂州禹貢岷山在西北  
俗謂之鐵豹嶺禹之導江發跡於此河圖括地象曰岷  
山之精上為井絡帝以會昌神以建福故泉流深遠為  
四瀆之首

下汶川縣本漢綿虎廣柔二縣地初屬汶山郡尋屬蜀  
郡晉屬汶山郡後周置汶川縣及汶山郡隋開皇初郡

廢屬會州唐屬茂州皇朝熙寧九年即縣治置威戎軍  
使有玉壘山與導江相連湔水所出

下簡州秦屬蜀郡漢為犍為郡東漢及晉皆因之宋齊  
屬蜀郡西魏置資州及武康郡後周移州治資中隋置  
簡州以賴簡池為名煬帝初州廢併其地入蜀郡唐武  
德三年後置簡州天寶元年曰陽安郡今縣二

上陽安縣本漢牛鞞縣屬犍為郡東漢及晉皆因之西  
魏改牛鞞為陽安置武康郡隋開皇初郡廢仁壽初置

簡州大業初州廢唐復置

中平泉縣本漢牛鞞縣地西魏置婆閭縣隋開皇十八年更名屬蜀郡唐屬簡州貴平鎮本漢廣都縣地西魏置貴平縣及和仁郡隋開皇初郡廢屬陵州唐因之皇朝熙寧五年省入平泉

下威州蓋古冉駝國漢武帝開之屬文山郡蜀劉備禪時姜維馬忠等討汶山叛羌即此地也唐武德七年白狗羌降附乃於姜維故城置維州領金山定廉二縣貞

觀元年羌叛州縣俱罷二年復立維州移治於姜維城東  
麟德二年自羈縻州為正州天寶元年曰維川郡廣德  
元年沒吐蕃初吐蕃巴陷河西隴右更欲圖蜀川累攻  
維州不下乃以婦人嫁維州門者二十年中生二子及  
蕃兵攻城二子內應城遂陷吐蕃得之號無憂城韋皋  
在蜀收復不克大和中守將悉怛謀以州歸唐李德裕受  
之而為牛僧孺所沮復棄其地大中三年杜悰鎮蜀吐  
蕃亂離首領內附乃復屬西川皇朝景祐三年以京遞

發維州斷獄文書誤至維州因改曰威州謂唐置此州以威制羌戎故也今縣二

下保寧縣本薛城隋初蜀師討叛羌以其地置薛城戍大業末沒於羌唐武德元年置維州貞觀二年自姜維故城徙州治此及置薛城縣後改曰保寧有沱水自羈縻悉州流出東逕保寧又東逕祺春又東逕通化又東逕嘉會又東至汶州與大江合

下通化縣本漢廣柔縣地隋開皇初置金川縣仁壽初

改曰通化屬汝山郡後廢焉唐咸亨二年以生羌戶置  
小封縣後復改曰通化屬茂州後屬維州皇朝天聖元  
年改曰金川景祐四年復舊治平三年即縣治置通化  
軍使縣在保霸二州之間

祺州唐開元二十八年以維州之定廣縣置奉州及雲  
山郡天寶八年徙治天保軍更郡名曰天保郡廣德元  
年沒吐蕃乾德元年嗣歸誠王董嘉俊以州來歸更州  
名保州以嘉俊為刺史又更曰古州其後復曰保州領

縣四曰定廉本隋定廉鎮後沒於羌武德七年招白狗  
羌置曰歸順曰雲山皆天寶八年析定廉置曰安居沒  
蕃後縣皆廢唯首領董氏世襲刺史羈縻於威州皇朝  
政和四年刺史董氏入朝以其地置祺州今縣一  
春祺縣本定廉縣地皇朝政和四年置

亨州漢為廣柔縣地屬蜀郡晉屬汶山郡唐天寶元年  
招附生羌置霸州及靜戎郡領縣四曰安信曰牙利曰  
保寧曰歸化廣德元年沒吐蕃後縣皆廢首領董氏歸

附世襲刺史羈縻於威州皇朝政和四年刺史董氏入朝以其地置亨州今縣一

嘉會縣本信安縣地皇朝政和四年置舊保霸二州在威州之裏名為羈縻而據吾腹脅不與它等雖受爵命而猶以蕃夷自待恭順之心未能純一往往多幸生羌擾攘藉已與之和好因挾以自重而邀厚賞近緣二酋挈籍自獻於是有詔令建築郡邑置吏以治之無亡矢遺鏃之費而土為王土民為王民自茂如威不涉異域



有久逸永寧之道焉

同下州永康軍自秦至隋屬蜀郡唐屬彭蜀二州皇朝  
乾德四年置永康軍治導江之灌口鎮熙寧五年軍廢  
元祐初復置今縣二

望導江縣本漢郫綿虎二縣地屬蜀郡蜀置都安縣屬  
汶山郡後周改都安曰汶山隋改廣陽曰汶山在茂州  
郭下而此縣廢舊治灌口唐武德元年以其地置益龍  
縣尋更名曰導江移於今治屬益州三年屬濛州貞觀

元年州廢屬益州後改曰灌寧垂拱二年屬彭州開元  
中復為導江皇朝乾德四年來屬而以灌口為軍治熙  
寧五年軍廢復屬彭州元祐初來屬有玉壘山與汶州  
相連左思蜀都賦所謂包玉壘而為宇是也有蠶崖關  
以扼西山之走集秦時蜀守李冰作大堰於江以溉諸  
縣作三石人於白沙郵立立水中刻字為約口水竭不  
至是盛不沒腰是以蜀人不知饑饉沃野千里世號陸  
海有廣濟王廟所以祠冰也

望青城縣本漢江源縣地後置齊基郡後周郡廢改曰清城縣  
隋屬蜀郡唐垂拱二年屬蜀州開元十八年去水作青城皇朝乾  
德四年來屬熙寧五年軍廢復屬蜀州元祐初來屬有青城山  
同下州仙井監秦屬蜀郡二漢屬犍為郡晉及宋齊皆  
因之梁置懷仁郡後周置陵州取陵井為名隋置隆山  
郡唐武德元年復為陵州天寶元年曰仁壽郡皇朝熙  
寧五年廢為陵井監政和三年改為仙井今縣二  
望仁壽縣漢武陽縣地晉置西城戍以為鹽井之防梁

置懷仁郡西魏改西城戍置普寧縣隋開皇初郡廢十  
八年改普寧為仁壽縣大業初置隆山郡唐為隆州有  
陵井東漢張道陵所開有毒龍藏井中及鹽神玉女十  
二為崇天師以道力驅出毒龍禁玉女於井下然後人  
獲鹹泉之利皇朝不欲斥天師名故改陵井為仙井有  
天師廟今為至道觀有玉女祠今號靈真夫人

中下井研縣漢武陽縣地東漢置西陽郡西魏置蒲亭  
縣隋改為井研屬隆山郡唐屬陵州始建鎮隋開皇十

一年置縣隸陰山郡唐屬陵州皇朝咸平四年省入井  
研

成都府路化外州

下都督府松州本諸羌之地後周置扶州及龍涸郡隋  
隸同昌汶山二郡唐武德元年置松州以地產甘松為  
名天寶元年曰交川郡東至扶州南至翼州西北接吐  
蕃領縣四

下嘉誠縣後魏時白水羌豪治據此地其子舒彭遣使

朝貢乃封為甘松縣子始置甘松縣魏亂又絕後周復招慰之天和六年置扶州領龍涸郡隋開皇二年郡廢而州徙治于同昌改甘松縣為嘉城屬同昌郡唐置松州有甘松嶺江水之所發源也

下交川縣隋開皇初置屬汶山郡唐武德元年來屬下平唐縣唐垂拱元年析交州及當州之通軌翼針置屬當州天寶元年來屬

下鹽泉縣

下當州本諸羌之地後周置覃州及覃州榮鄉二郡隋  
開皇初郡廢四年州廢屬汶山郡唐貞觀二十一年析  
松州置當州以地產當歸為名天寶元年曰江源郡東  
至翼州南至翼水縣東北至松州西北接生羌領縣三

中下通軌縣後周置隋屬汶山郡唐屬松州貞觀中羌  
酋董和那蓬固守松州有功於是析松州之通軌置當  
州以和那蓬為刺史後其子屈寧襲焉

下利和縣顯慶二年析通軌置

下谷利縣文明元年開生羌置

下悉州本生羌之地後周置廣年左封二郡隋開皇初  
並廢屬汶山郡唐顯慶元年析當州置悉州以悉唐川  
為名天寶元年曰歸誠郡東南至翼州西北至當州領  
縣二

中左封縣本廣年後周置隋仁壽初改曰左封屬汶山  
郡唐武德元年屬翼州貞觀二十一年屬當州顯慶元  
年生羌首領董係北射內附乃以左封置悉州并置悉



唐識曰二縣治悉唐以係北射為刺史咸亨二年徙治左封而以悉唐置靜州

下歸誠縣垂拱二年析左封置

下靜州本諸羌之地唐置悉州後州徙焉儀鳳二年置南和州天授二年改為靜州天寶元年曰靜川郡東至悉州南至威州西至平戎城北至當州領縣三

中悉唐縣唐顯慶元年置為悉州治焉咸亨元年悉州徙治左封而以悉唐置翼州都督府儀鳳元年翼州還

治翼針乃於悉唐置南和州後改曰靜州

中靜居縣有靜川州縣所以取名也

下清道縣

下恭州本諸羌之地唐為廣平縣屬靜州開元二十四年分置恭州天寶元年曰恭化郡東至柘州南至威州北至吐蕃白崖鎮領縣三

下和集縣本廣平縣屬靜州開元二十四年置恭州天寶元年改曰和集

下博恭縣開元二十四年析廣平置

下烈山縣開元二十四年析廣平置

下柘州本諸羌之地唐顯慶三年開置天寶元年曰蓬山郡東至靜州南至威州北至恭州松嶺鎮領縣二

下柘縣

下喬珠縣

下翼州本漢蠡陵縣地屬文山郡郡廢屬蜀郡晉復屬汶山郡後周置翼針縣及翼針郡隋開皇初郡廢屬會

州後屬汶山郡唐武德元年析置翼州天寶元年曰臨翼郡東至石泉縣南至茂州西至悉州北至松州領縣

三

下衛山縣本翼針天寶元年更名

下翼水縣後周置曰龍求及置清江郡隋開皇初郡廢改縣曰清江十八年又改曰翼水漢蠡陵縣故城在今縣西

下峨和縣

下真州本隋翼水縣地唐屬翼州天寶五載析置昭德郡乾元元年改曰真州領縣四

中下真符縣天寶五載析雞川昭德二縣以為州治

中下雞川縣先天元年析翼水縣開生獠置屬悉州天寶元年屬翼州五載來屬

下昭德縣本識曰縣顯慶元年開生獠置屬悉州天寶元年屬翼州改曰昭德五載來屬

中下昭遠縣

下乾州本諸羌之地唐大歷三年開西山置領縣二

下招武縣

下寧遠縣

下姚州本南夷故滇池國漢武帝開之置益州郡東漢分益州置永昌郡蜀劉氏分永昌置建寧郡又分永昌建寧置雲南郡晉及宋齊皆因之兼置寧州西魏周隋不能遠有唐武德四年安撫大使李英奏置姚州於漢之雲南故地以此州內人多姚姓因以為名麟德元年

徙州治於弄棟川雲南郡後南詔蠻閣羅鳳舉攻殺雲  
南太守張虔陀自是姚州沒於南詔自舊州南西至瀘  
經陽蓬鹿谷菁口會川四百五十里至瀘州乃南渡瀘  
水經哀州徽州三百五十里至姚州州西距南詔羊苴  
咩城三百里領縣三

下姚城縣故漢弄棟縣地

下瀘南縣本長城垂拱元年置天寶初更名

下長明縣

中都督府舊州本南夷故邛都國漢武帝開之置越雋  
郡東漢晉宋皆因之後周置嚴州隋開皇六年改曰西  
寧州十八年又改曰舊州大業初復置越雋郡唐武德  
元年改曰舊州至德二載沒吐蕃貞元十三年節度使  
韋皋以兵收復之本治越雋縣太和五年為蠻寇所破  
六年李德裕徙州治臺登縣南至姚州北至黎州領縣  
九

中臺登縣漢屬越雋郡有孫水司馬相如檄文所謂梁



孫源是也晉因之一名白沙江後周置白沙郡隋開皇初郡廢屬越雋郡唐為郡治

中越雋縣本漢中都縣地為越雋郡治焉後置越雋縣中邛部縣本漢蘭縣屬越雋郡後周置邛部縣及邛部郡隋開皇初郡廢來屬

中蘓邾縣本漢蘓夷縣屬越雋郡後周平南夷於故城復置及置亮善郡隋開皇初郡廢來屬

中西廬縣本邛都縣地梁置可泉縣及宣化郡隋開皇

初郡廢來屬唐天寶元年改可泉曰西瀘


中昆明縣本漢定祚縣屬越雋郡後周置定祚鎮唐武德二年改為昆明縣昆明在雋之西南今羈縻南寧諸蠻所居是也

中和集縣唐貞觀八年置

中昌明縣唐貞觀二十二年開松外蠻置牢州及松外尋聲林開三縣永徽三年州廢省三縣入昌明

中會川縣本邛都縣唐上元二年徙治會川因更名有

瀘津關瀘水出曲羅東下三百里始曰瀘水兩峰有殺  
氣暑月舊不行故諸葛亮表言五月渡瀘深入不毛也  
其水下合繩水若水孫水淹水逕馬湖總曰馬湖江東  
北至叙州與岷江合



輿地廣記卷三十

欽定四庫全書

史部

輿地廣記卷三十八至

詳校官編修臣曹城

檢討臣德生覆勘

總校官降調編修臣倉聖脉

校對官中書臣劉圖南

謄錄監生臣沈景陽

欽定四庫全書

輿地廣記卷三十一

宋 歐陽忞 撰

梓州路

緊梓州春秋戰國為蜀地秦屬蜀郡二漢晉宋齊屬廣漢郡梁宋置新州西魏置昌城郡隋開皇初郡廢後改新州為梓州大業初州廢置新城郡唐武德元年曰梓州天寶元年曰梓潼郡乾元後升為劍南東川節度皇

朝乾德四年改靜戎軍太平興國三年改安靜軍端拱二年復故今縣九

望鄴縣二漢屬廣漢郡晉省之置五城縣梁置新州西魏改五城曰昌城置昌城郡隋改新州曰梓州大業初置新城郡改昌城曰鄴唐置梓州其城左帶涪水右挾中江居水陸之衝要漢鄴縣故城在西南有牛頭山宜君山涪水中江鄴江

望中江縣晉五城縣地後周置玄武郡東有二山如龜

蛇因以名焉隋開皇初郡廢改曰玄武仁壽初置凱州  
大業初州廢屬蜀郡唐武德三年來屬皇朝大中祥符  
五年改為中江有天柱山中江

望涪城縣漢涪縣地東晉置始平郡西魏改郡為涪城  
後周又改曰安城隋開皇初郡廢置安城縣十六年改  
為涪城屬金山郡唐大歷十三年來屬有涪江

繫射洪縣漢郵縣地西魏置射江縣婁婁灘東六里有  
射江因以為名後周改曰射洪隋屬梓州唐因之有白

崖山涪水梓潼水射江

緊鹽亭縣漢廣漢縣地梁置鹽亭縣西魏置鹽亭郡隋開皇初郡廢屬梓州唐因之有負戴山

中通泉縣漢廣漢縣地後置涌泉縣及西宕渠郡西魏改郡曰涌泉隋開皇初郡廢改縣曰通泉屬梓州唐因之廣漢縣二漢屬廣漢郡晉為郡治宋徙郡治雒元魏改縣曰廣魏後改曰光漢隋開皇初省入通泉有涌泉山涪水



中飛烏縣漢鄠縣地隋開皇中置飛烏鎮因升為縣因  
山為名唐因之有哥郎山鄠江

中銅山縣漢鄠縣地其南可象山西北私鎔山皆有銅  
唐貞觀二十三年置鑄錢官調露元年罷而析鄠飛烏  
置銅山縣有飛烏山會軍堂山鄠江

中下東關縣蜀置招萁院皇朝乾德四年以其地置東  
關縣有鼓樓山楊桃溪

安泰尉司本永泰縣唐武德四年析鹽亭及劍州之黃

安閬州之西水置皇朝熙寧五年省為鎮入鹽亭十年  
復置永泰尉司後改曰安泰

都督府遂州春秋戰國為蜀地秦屬蜀郡二漢及晉屬  
廣漢郡東晉桓溫平蜀於德陽界東南置遂寧郡宋因  
之齊梁曰東遂寧後周置遂州改郡曰石山隋開皇初  
郡廢大業初州廢置遂寧郡唐武德元年曰遂州天寶  
初曰遂寧郡皇朝因之今縣五

望小溪縣漢廣漢縣地東晉置遂寧郡唐為東遂寧置

小溪縣西魏改縣曰方義後周置遂州改郡曰石山隋復為遂寧郡唐復為遂州皇朝太平興國元年復改縣曰小溪有銅山盤山涪江

望蓬溪縣本唐興縣唐永淳元年析方義置長壽二年曰武豐神龍元年復故名景龍元年析置唐安縣先天二年省天寶元年改唐興曰蓬溪有賓王山蓬溪

縣長江縣本巴興縣東晉置西魏改曰長江隋唐因之有明月山鳳凰川涪江

緊青石縣本晉興縣東晉平蜀置屬巴西郡西魏改曰  
始興後又曰青石隋唐因之有青山出青石可以為磬  
有涪江

中遂寧縣唐景龍元年以故廣漢縣地置有梵雲山大  
安溪

中果州春秋戰國為巴子地秦屬巴郡二漢因之晉屬  
巴西郡宋置南宕渠郡齊梁後周因之隋開皇初郡廢  
屬隆州大業初屬巴西郡唐武德四年置果州天寶元

年曰南充郡皇朝因之今縣三

望南充縣本二漢安漢縣屬巴郡晉屬巴西郡宋屬南  
宕渠郡隋開皇十八年改縣曰南充唐置果州流溪鎮  
唐開耀元年析南充置流溪縣皇朝熙寧六年省入南  
充有果山嘉陵江

望西充縣唐武德四年析南充置有西充山西溪水

上相如縣漢安漢縣地梁置梓潼郡西魏廢郡置相如  
縣縣南二十里有司馬相如故宅因以名焉隋屬巴西

郡唐武德四年來屬有琴臺鎮龍角山嘉陵江

上賀州春秋戰國為蜀地秦屬蜀郡二漢屬犍為郡晉  
宋齊因之後周自今陽安徙資州治此及置資中郡隋  
開皇初郡廢大業初州廢置資陽郡唐武德元年改為  
資州天寶元年曰資陽郡皇朝因之今縣四

緊盤石縣本二漢資中縣屬犍為郡晉宋齊因之後周  
徙資州治此及置資中郡而改資中縣為盤石隋置資  
陽郡唐為資州月山丹山銀山三鎮皆故縣隋義寧二

年同置屬資陽郡唐屬資州皇朝乾德五年並省入盤石有盤石山中江

繫資陽縣後周析資中置隋屬資陽郡唐屬資州有獨秀山資水

中下龍水縣漢資中縣地隋義寧二年置屬資陽郡唐屬資州有龍水

下內江縣漢資中縣地後周於中江水濱置漢安城遂改為中江縣隋改曰內江屬資陽郡唐屬資州有中江

資水

上普州春秋戰國為巴蜀之境秦屬巴蜀二郡二漢屬巴犍為二郡晉李維亂後為羌夷所據至梁乃招撫之置普慈郡後周置普州隋開皇初郡廢大業初州廢屬資陽郡唐武德三年置普州天寶元年曰安岳郡皇朝因之今縣三

中下安岳縣漢墊江縣地屬巴郡後周置安岳縣及置普州隋大業初州廢唐復置普康鎮本永康縣後周置



屬普慈郡隋屬普州開皇十八年改曰隆康大業初屬  
資陽郡唐屬普州先天元年改曰普康皇朝乾德三年  
省入安岳有安岳山岳陽溪

下安居縣漢牛鞞縣地屬犍為郡後周置柔剛縣及安  
居郡隋開皇初郡廢屬普州十八年改為安居縣大業  
初屬資陽郡唐屬普州崇龕鎮本隆龕縣唐武德三年  
置先天元年改曰崇龕皇朝乾德五年省入安居有柔  
剛山崇龕山安居水

下樂至縣漢資中縣地屬犍為郡唐武德三年置普慈鎮本梁置普慈郡及多業縣後周因之隋開皇初郡廢十三年改縣為普慈屬普州大業初屬資陽郡唐屬普州皇朝乾德五年省入樂至有婆娑山樂至池

上昌州春秋戰國為巴蜀之境秦屬巴蜀二郡二漢及晉屬巴犍為二郡隋屬資陽瀘川涪陵三郡唐屬資普瀘合四州乾元二年析置昌州大歷六年州縣廢其地各還故屬十年復置後曰昌元郡皇朝因之今縣三

上大足縣本合州巴川縣地唐置屬昌州光啓元年州徙治焉及以普州普康縣地置靜南縣屬昌州後省入有牛鬪山太足川

上昌元縣本資州內江縣地唐置為昌州治光啓元年州徙治大足有葛仙山賴波溪

上永川縣本瀘州瀘川縣地唐置屬昌州亦得渝州璧山縣地有綾錦山侯溪

上叙州春秋戰國為楚侯國秦屬蜀郡漢置犍為郡東

漢晉宋齊皆因之梁兼置戎州及六同郡後周因之隋開皇初郡廢大業初州廢置犍為郡唐武德元年復曰戎州天寶元年曰南溪郡皇朝政和四年改名今縣二

上宜賓縣本犍侯國秦曰犍道漢置犍為郡初治犍縣後徙治此東漢又徙武陽而以犍道為屬縣梁置戎州隋置犍為郡唐復置戎州初治南溪貞觀中徙治犍道長慶中復治南溪皇朝又治犍道政和四年改縣曰宜賓故犍道縣在馬湖江會漢武帝使縣令開西南夷勞

費無成使者唐蒙斬之乃鑿石開道以通南中今石門  
是也宜賓鎮本郁郛縣隋末置屬戎州唐天寶元年改為  
義賓皇朝太平興國元年改曰宜賓熙寧四年省故開  
邊縣漢犍道縣地隋開皇六年置屬戎州唐貞觀四年  
屬南通州八年來屬皇朝乾德五年省入犍道故歸順  
縣唐聖歷二年分郁郛縣置以處生獠乾德五年省入  
犍道有黃泉山大江馬湖江馬湖之上源曰若水出旄  
牛徼外東南流鮮水注之又東南逕大沱與繩水合又

南逕邛都又南逕會無孫水注之又南逕遂久蜻蛉水  
注之又南逕三絳淹水注之又與母血水合又東逕姑  
復涂水注之又東逕馬湖為馬湖水又東北至朱提與  
瀘水合而瀘水上流有蘭蒼水出博南東北流會類水  
禁水北注瀘津自朱提以下通為瀘水又東北至犍道  
入于大江

中南溪縣漢犍道縣地梁置南廣縣及六同郡隋開皇  
初郡廢仁壽初改縣曰南溪屬戎州唐因之有平蓋山

大江馬湖江漢志云南廣有汾關山符黑水所出北至  
犍道入江即今南廣漢也梁以此縣為南廣蓋取其名  
耳

上瀘州春秋戰國為巴地秦屬巴郡二漢屬犍為郡蜀  
章武元年立江陽郡晉宋齊梁因之梁兼立瀘州後周  
因之隋開皇初郡廢大業初州廢為瀘川郡唐武德元  
年曰瀘州天寶元年曰瀘川郡皇朝因之今縣三

中瀘川縣本江陽縣二漢屬犍為郡蜀屬江陽郡晉為

江陽郡治焉梁立瀘州隋開皇初郡廢大業初立瀘州  
郡改縣曰瀘川唐因之為瀘州治有大江內江內江上  
源曰洛水縣據江洛會枕帶雙流

中江安縣本漢安縣東漢置屬犍為郡蜀為江陽郡治  
晉宋齊梁後周皆因之隋屬瀘州開皇十八年改曰江  
安唐因之故綿水縣漢江陽縣地梁置屬江陽郡隋屬  
瀘州唐因之皇朝乾德五年省入江安有方山大江綿  
溪



中合江縣本漢符縣地屬犍為郡武帝使唐蒙將萬人從巴符闕入夜郎即此東漢曰符節晉復曰符屬江陽郡後置安樂縣後周改為合江隋屬瀘州唐因之有安樂山安樂溪漢志南廣有大涉水北至符入江即此水也縣在安樂水會

中合州春秋戰國為巴地秦屬巴郡二漢晉因之宋置東宕渠郡齊梁因之西魏改為墊江郡兼置合州後周因之隋開皇初郡廢改州曰涪州大業初州廢為涪陵

郡唐武德元年曰合州天寶元年曰巴川郡皇朝因之

今縣五

中石照縣本墊江縣二漢晉屬巴郡東晉寧康二年桓  
石虔破苻堅將姚萇於墊江即此宋齊梁為東宕渠郡  
西魏改郡為墊江縣曰石鏡及置合州隋為涪州涪陵  
郡唐為合州皇朝乾德三年改縣曰石照有銅梁山嘉  
陵江

中漢初縣梁置新興郡西魏改郡曰清居而置漢初縣

隋開皇初郡廢屬合州唐因之有江陵山嘉陵江

中巴川縣唐開元二十三年析石鏡銅梁置屬合州有  
小安溪巴川

中下赤水縣隋開皇八年析石鏡置屬合州唐因之有  
朝霞山赤水

中下銅梁縣唐長安三年置屬合州有銅梁山悅池

下榮州春秋戰國為蜀地秦屬蜀郡二漢晉宋立南安  
郡後廢隋屬資陽郡唐武德元年立榮州天寶元年曰

和義郡皇朝因之今縣四

中下榮德縣本旭川唐貞觀元年析大牢置屬榮州永徽二年州自大牢徙于此皇朝治平四年改為榮德公井鎮後周置唐武德元年改為縣而立榮州治此貞觀元年州徙大牢皇朝熙寧四年省入榮德有榮德山大牢溪

中威遠縣隋開皇初以威遠戍置資州唐武德元年来屬貞觀元年析置婆日至如二縣二年以瀘州之隆越

入馬故和義縣隋末置屬瀘州貞觀八年來屬皇朝乾德五年省入馬有鐵山中江

中下資官縣隋末置屬嘉州唐武德六年來屬有白崖山灘斯水

中下應寧縣本大牢隋開皇十三年置屬資州唐武德元年來屬六年州自公井徙治於此永徽二年徙治旭川景龍二年省雲州及羅水雲川胡連三縣入馬天寶元年更名有應靈山應靈水

下渠州春秋戰國為巴地秦二漢屬巴郡晉初屬巴西  
郡惠帝分置宕渠郡宋齊屬巴渠郡梁立渠州西魏立  
流江郡後周因之隋開皇初郡廢大業初州廢為宕渠  
郡唐武德元年曰渠州天寶元年曰流江郡皇朝因之  
今縣三

繁流江縣本宕溪二漢屬巴郡蜀屬巴西郡晉惠帝立  
宕渠郡後廢梁立渠州西魏立流江郡及置流江縣隋  
曰宕渠郡唐曰渠州故大足縣唐久視元年分宕渠置

屬蓬州至德二年來屬寶歷元年省入潞山後復置皇  
朝景祐二年省入焉有宕渠山流江古寶城流江即渝  
水也夾水上下皆賓民所居漢高祖入關後定三秦其  
人勇健好歌舞帝愛習之所謂巴渝舞是也

下潞水縣梁置潞水縣及立潞州西魏立潞山郡隋開  
皇初郡廢屬渠州唐武德元年屬潞州三年來屬寶歷  
元年省入潞山後復置有潞水

下潞山縣唐武德元年析潞水置及立潞州八年州廢

來屬有潏山湟水

同下州懷安軍春秋戰國為蜀地秦屬蜀郡二漢屬廣漢郡晉屬析都郡西魏立金淵郡後周郡廢隋屬蜀郡唐屬簡州皇朝乾德五年立懷安軍今縣二

望金水縣漢新都縣地東晉朱齡石於東山置金淵戍西魏置金淵縣及立郡焉隋屬蜀郡唐武德元年避高祖名改曰金水皇朝立懷安軍有金臺山中江

望金堂縣唐咸亨三年析雒新都置屬益州垂拱二年



屬漢州皇朝乾德五年來屬有金堂山中江

同下州廣安軍春秋戰國為巴地秦二漢屬巴郡晉屬  
巴西郡後屬宕渠郡宋齊屬巴渠郡西魏流江宕渠墊  
江三郡隋屬宕渠巴西涪陵三江唐屬渠果合三州皇  
朝開寶二年置廣安軍今縣三

中渠江縣本始安縣宋置屬巴郡西魏屬流江郡隋開  
皇十八年改曰賓城屬宕渠郡已夷謂貨布曰賓故謂  
之賓人唐武德元年曰始安屬渠州天寶元年改曰渠

金史卷之二十一  
江皇朝開寶二年來屬有富靈山渠江

緊岳池縣萬歲通天二年析南充相如置屬果州皇朝  
開寶二年來屬有安岳山岳池水

中新明縣唐武德三年析石鏡置屬合州皇朝開寶二  
年來屬有龍池山嘉陵江

長寧軍蓋漢犍為郡之漢陽縣地唐置羈縻長寧等二  
州隸瀘州都督府皇朝置涪井監屬瀘州熙寧八年夷  
人獻納十州地以屬焉政和四年改置長寧軍

富順監自齊梁以前地理與瀘州同後周置富世縣以  
富世鹹井為名及立洛源郡隋開皇初郡廢屬瀘州唐  
貞觀二十三年改縣曰富義皇朝乾德四年以其地置  
富義監太平興國元年改曰富順治平元年置富順縣  
熙寧元年省

輿地廣記卷三十一

欽定四庫全書

輿地廣記卷三十二

宋 歐陽忞 撰

利州路

次府興元府春秋屬蜀戰國屬楚秦惠王立漢中郡二  
漢因之高帝始封漢王都此建安中為張魯所據改曰  
漢寧曹公克魯復曰漢中蜀劉備破魏將夏侯妙才遂  
有其地以為重鎮漢中常以巴蜀扞蔽故劉備初得漢

中曰曹公雖來無能為也大抵巴蜀有難漢中輒沒自  
公孫述劉備李雄譙縱據蜀漢闕所陷魏末平蜀

魚立梁州晉宋齊梁皆因之西魏亦立梁州并立漢中  
郡後周末改郡曰漢川隋開皇初郡廢大業初州廢復  
置漢川郡唐武德元年曰梁州開元十三年改曰褒州  
二十年復故名天寶元年曰漢中郡後升山南西道興  
元元年始因德宗巡幸升為興元府皇朝因之今縣四  
次赤南鄭縣故鄭之附庸周時鄭桓公死於犬戎鄭人

南奔居此因曰南鄭顯王之世蜀有其地至六國楚

闕

弱秦畧取焉自秦以來皆為漢中郡治

闕

王蕭何曰天漢美名也遂都南鄭大

城周曰

闕

城南憑北結環雉金墉漆井皆

漢所修築地沃

闕

既克張魯方之難肋謂食

之無所得而棄之為可惜也蜀先主以魏延後主以蔣

琬姜維相繼守之魏末平蜀兼立梁州晉以後皆因之

齊建武二年蕭懿為刺史魏將元英率兵十萬通斜谷

欽定四庫全書

輿地廣記  
卷三十二

二

圍南鄭懿拒守百餘日不拔而退梁天監二年刺史夏侯道遷以地入魏大同元年魏刺史元羅復以地入梁承聖二年尉遲向平蜀乃入西魏焉後周末改郡曰漢川隋唐因之後為興元府朱梁時王建得其地後唐克之又為孟知祥所有周顯德中節度使張虔釗以地歸附有玉女山黃牛山中梁山仙臺山漢水有胡城漢張騫使匈奴與胡妻及堂邑父俱還漢中築城以居之晉義熙十五年城上有密雲五色昭章及曉城崩半許淪



漢出銅鍾十二枚以為宋室之瑞

次畿城固縣二漢屬漢中郡蜀改為樂城晉復故及宋  
齊梁西魏後周皆屬漢中隋屬漢川郡唐屬梁州武德  
二年改曰唐固貞觀二年復故有通關山古曰通關勢  
山高百餘丈

闕

城方五里濬塹三重漢王北定

三秦蕭何守漢中欲修此道以通關中故名曰通關勢  
有黑水出縣北大山南流入漢諸葛亮牋云朝發南鄭暮宿  
黑水謂此有韓信臺即漢高祖築壇設九賓之禮以拜

信為大將

次畿褒城縣故褒國周幽王后褒姒生於此漢置漢中

郡并褒中縣及東漢晉皆屬漢中郡隋開皇初

闕

元年闕未印更給改曰褒城義寧二年改

曰褒中唐貞觀三年復曰褒城屬梁州漢陽平關在西

北有石

闕

山通道六丈有餘昔秦欲

伐蜀

闕

以金置尾下言能糞金欲

以

闕

蜀王負力

闕

道引之秦因使張儀

司馬錯以兵

關

漢永平中司隸

校尉犍為楊

關

以石門是

也有女郎山上有女郎廟俗言張魯所葬有褒水西北  
出衙嶺山東南逕大石門歷故

關

諸葛亮死

于五丈原魏延先退而焚之即此褒水又

關

交城

又東南得丙水口又東南歷小石門又東南歷褒

關

南口又東南歷褒城縣東又南入於漢水

次畿西縣本沔陽縣地二漢晉宋皆屬漢中郡後省元

魏置嶧冢縣後周因之隋大業初改為西縣屬漢川郡  
唐武德三年置褒州八年州廢來屬有沔陽故城在西  
漢蕭何所築劉備北定漢中即漢王位於此有西樂故  
城在西南甚險固即諸葛亮所築晉梁州刺史楊亮守  
之為苻堅所破後刺史姜維潘孟亦相仍居此城側有  
客裘溪關北濟入漢今謂之洛水有定軍山在東南曹  
公克漢水命夏侯淵守之劉備自陽平關南渡沔水破  
斬淵于此諸葛亮將死遺令葬此山下關  
隴雉深松

茂柏攢蔚川阜莫知墓所在山東地名高

關

廟蜀

步兵校尉習隆等所表立也有張魯城官西魯沛國

關

陵孫也行五斗米道劉焉以為督義司馬住漢中因

關

焉有濫水北發武都氏中南逕城

關

逕張魯治

城南流入沔謂之瀼口張魯治謂仙官所治也有

關

山

舊有張

關

師堂今日瀼口化有百牢關

關

南

關

都督府利州春秋戰國為蜀地秦屬蜀郡

關

主分屬

闕

郡晉孝武分立晉壽郡宋齊因之

世號小謚

闕

梁曰黎州西魏復曰益州

又改曰

闕

郡隋大業初州廢為義城郡唐

武德元年

闕

益

闕

郡王屬知昭武軍

節度後唐

闕

曰益州皇朝景祐四年改寧武軍今縣

四

中綿谷縣故葭萌縣本蜀王弟葭

闕

封為苴侯邑史

記郡謂苴屬相攻是也二漢屬廣漢郡劉備又曰漢壽

屬梓潼郡晉太康元年改曰晉壽太元十五年立晉壽

郡宋分置興安郡後復併焉而改晉壽曰興安後魏兼

立益州西魏曰

關

開皇十八年改興安曰綿谷唐

因之有龍門山嘉陵水

關

綿谷

中葭萌縣漢舊縣地東晉安帝置晉安縣屬新邑郡宋

齊因之元魏為郡治焉隋開皇初郡廢十八年改晉安

為葭萌縣屬利州唐因之有嘉陵江

中下嘉川縣漢葭萌縣地宋置興樂

關

嘉川隋開皇初郡廢屬利州唐武德

闕

年州廢來屬故平蜀縣本義城西魏置隋

屬利州義寧二年改曰義清唐武德七年置南平州貞  
觀二年州廢來屬天寶元年改曰峩山皇朝乾德三年  
改曰平蜀熙寧三年省入嘉州有石鷺山

中昭化縣漢葭萌縣地宋置益昌縣屬白水郡隋唐屬

利州皇朝開寶五年改為昭化白水鎮

闕

郡晉屬梓潼郡孝武分屬晉壽

闕



又曰平興置白水郡後改縣為

關

初郡廢復改縣為平興屬利

關

置

關

貞觀元年州廢來屬寶

關

輿地廣記卷三十二

欽定四庫全書

輿地廣記卷三十三

宋 歐陽忞 撰

夔州路

原缺



中下巫山縣故楚之巫郡秦昭王伐楚取之以為縣屬南  
郡二漢因之晉立建平郡宋齊梁西魏後周皆因之隋  
開皇初郡廢屬信州曰巫山唐屬夔州有巫山及高都  
山昔楚襄王遊高唐晝寢夢一婦人曰妾居巫山之陽  
高唐之岨旦為朝雲暮行雨朝朝暮暮陽臺下覺而命  
宋玉賦之此其地也有大江

下黔州春秋為巴地戰國楚威王使莊蹻將兵循江上  
畧巴縣中以西屬楚秦昭王伐楚取黔中以屬黔中郡  
二漢屬武陵郡晉宋齊皆因之後不賓服後周武帝時  
蠻帥以其地歸附初立奉州後改曰黔州不帶縣隋為  
黔安郡唐武德元年曰黔州天寶元年曰黔中郡蜀王  
氏升武泰軍節度今縣二

中彭水縣漢酉陽縣地隋開皇十三年置以為州治洪  
杜塞本洪杜縣唐武德二年析彭水置皇朝嘉祐八年

省洋水鎮本洋水縣唐武德二年析彭水置曰盈隆先天元年曰盈川天寶元年更今名皇朝嘉祐八年省為寨熙寧二年為鎮信寧鎮本信安縣隋置唐武德二年更名屬義州貞觀十一年來屬皇朝嘉祐八年省都濡鎮本都濡縣唐貞觀二年析盈隆置皇朝嘉祐八年省有三嵎山洪杜山伏牛山已江洪水

黔江縣本石城唐武德元年析彭水縣置天寶元年更名有羽人山河蓬水

上達州春秋戰國為巴地秦二漢屬巴郡建安中分屬  
巴西郡蜀晉因之宋立巴渠郡晉因之梁立萬州以萬  
頃池為名及改郡為東關西魏改郡曰通州周因之開  
皇初郡廢大業初州廢立通川郡唐武德元年曰通州  
天寶元年曰通川郡蜀王氏孟氏因之皇朝乾德三年  
更名今縣五

中通川縣本宕渠縣地東漢置宣漢縣屬巴郡蜀劉氏  
分屬宕渠郡晉省之屬巴西宋復置及立巴渠郡梁置



石城縣立萬州及東關郡西魏曰通州隋改石城縣曰  
通川置通川郡唐因之皇朝為達州有鳳凰山有巴江  
渠江合於縣東南

中巴渠縣本巴渠縣地唐永泰元年析石鼓置大和三  
年屬開州四年來屬有鹿子山渠江

下永睦縣本永康梁置又有南榮郡隋開皇初郡廢屬  
巴州十八年縣更名唐武德二年立萬州貞觀元年州  
廢來屬有龍驤山巴江

下新寧縣唐武德二年析通川置大和三年屬開州後復來屬有濁水山新寧溪故閬英縣唐天寶九載置皇朝乾德五年省入石鼓縣西魏置及亡遷州後周廢州立臨清郡隋開皇初郡廢屬通州唐寶曆元年省大中元年復置故三岡縣梁置屬新安郡西魏改郡曰新寧隋開皇初郡廢屬通州唐寶曆元年省大中五年復皇朝熙寧六年省三岡七年省石鼓分屬通州永睦新寧下東鄉縣本來下蒲縣地屬已渠郡後改為東鄉西魏

立石州後周廢州立三巴郡隋開皇初郡廢屬通州唐  
武德三年立南石州又置下蒲縣八年州廢省下蒲縣  
入焉故宣漢縣本宋東關縣地屬巴渠郡後改為宣溪  
西魏立井州及永昌郡隋開皇三年郡廢五年州廢屬  
通州唐武德元年立南井州及置東關縣貞觀元年州廢  
省東關以宣漢來屬皇朝乾德五年省入東鄉有下蒲江  
通明院本唐宣漢縣地偽蜀置通明院以催科稅賦皇朝  
因之有宣漢鹽井地名長腰鹹源在大江龍骨石窟中涌

出

中下施州春秋為巴地戰國屬楚秦二漢屬南郡吳晉  
宋齊梁屬建平郡後周立施業二州及清江軍屯二郡  
隋開皇初郡廢大業初州廢為清江郡義寧二年復施  
業二州唐貞觀八年廢業州併焉天寶元年曰清化郡  
後復故二蜀因之今縣二

中下清江縣漢巫縣地屬南郡吳置沙渠縣屬建平郡  
晉因之後省後周立施州及清江郡隋開皇初郡廢五

年置清江縣大業初州廢屬清江郡義寧二年立施州為  
州治焉有施王屯餘址故以名有連珠山夷水以其水色  
清照十丈分沙故曰清江水出縣西東至宜都入大江  
中下建始縣後周立業州及軍屯郡隋開皇初郡廢五  
年置建始縣大業初州廢屬清江郡義寧二年立施州  
貞觀八年州廢來屬有連天山建始溪

下忠州春秋戰國為巴地秦屬巴郡二漢蜀晉宋齊皆  
因之梁立臨江郡後周兼立臨州隋開皇初郡廢大業

初州廢屬巴東郡義寧二年復立臨州唐貞觀八年改  
曰忠州天寶元年曰南賓郡前蜀後蜀因之今縣四  
中下臨江縣漢以後屬巴郡梁立臨江郡後周立臨州  
唐曰忠州有屏風山大江

中下墊江縣西魏析臨江置及立容川容山二郡後周  
改縣曰魏安隋開皇初郡廢屬渠州十八年復故名唐  
武德元年屬潯州八年來屬故桂溪縣本清水唐武德  
二年析臨江置天寶元年更名皇朝熙寧五年省入

下豐都縣本平都故巴子之別都也漢枳縣地隋義寧二年析臨江復置屬臨州唐屬忠州有平都山大江

下南賓縣唐武德二年析武寧置有望塗溪南賓縣尉司州東南一百八十里本夔州龍渠鎮皇朝乾德六年來屬開寶二年置尉司

下萬州春秋戰國為巴地秦二漢屬巴郡建安中分屬巴東郡晉宋齊皆因之後周立安鄉南都二郡兼立南州後改安鄉曰萬州南都曰懷德隋州郡並廢屬巴東

郡唐武德二年立南浦州八年州廢屬夔州九年復立  
曰浦州貞觀八年曰萬州天寶元年曰南浦郡前蜀後  
蜀因之今縣二

中下南浦縣本羊渠蜀建興八年更名屬巴東郡晉宋  
齊因之後周立安鄉郡後改郡曰萬川縣曰安鄉隋開  
皇初郡廢十八年改縣曰南浦屬巴東郡唐武德二年  
立南浦州八年州廢屬夔州九年復為萬州治焉有高  
梁山大江



下武寧縣本漢臨江縣地後周置源陽縣及立南州南  
都後改郡曰懷德縣曰武寧隋屬巴東郡唐武德二年  
屬南浦州八年州廢屬臨州九年復來屬有木歷山大  
江

下開州春秋戰國為巴地秦二漢屬巴郡晉宋齊梁屬  
巴東郡西魏置開州及萬安江會二郡後周置周安萬  
世二郡省江會入周安隋開皇初郡並廢大業初州廢  
分屬通州巴東二郡義寧二年析置萬世郡唐武德元

年曰開州天寶元年曰盛山郡前蜀後蜀因之今縣二  
上開江縣本漢豐縣宋置屬巴東郡西魏改曰永寧隋開  
皇末改曰盛山屬巴東郡唐立開州廣德元年縣更名  
故西流縣本後魏置漢興縣西魏更名立開州及萬安  
江會二郡後周廢江會入周安隋開皇初萬安郡廢大  
業初州廢屬通川郡義寧二年來屬唐貞觀元年省入  
故新浦縣宋置屬巴東郡後周立周安郡隋開皇初郡  
廢屬巴東義寧二年來屬唐因之皇朝慶厯四年省入

有盛山疊江

中清水縣本萬世後周置及立萬世郡隋開皇初郡廢  
屬通州郡義寧二年來屬唐貞觀二十三年更名萬歲  
寶歷元年省尋復皇朝改曰清水有石門山清水東南  
五里有靈洞唐貞元九年雷雨震開

下涪州春秋戰國為巴地秦二漢屬巴郡建安二十一  
年蜀分立涪陵郡晉因之後廢而復立隋開皇初又廢  
屬渝州唐武德元年析置涪州天寶元年曰涪陵郡前

蜀後蜀因之今縣三

下涪陵縣漢舊縣東漢及晉因之後改曰漢平置涪陵  
郡隋開皇初郡廢屬渝州十八年改曰涪陵後廢為鎮  
唐武德元年以鎮立涪州二年置涪陵縣溫山鎮本溫  
山縣唐置屬南潯州後來屬皇朝熙寧三年省入有雞  
鳴峽山大江黃石灘一名橫石東漢岑彭破公孫述將  
侯丹于黃石即此內江即黔江也南通黔中昔秦使司  
馬錯泝此水南上擊奪楚黔中地

下樂溫縣唐武德二年析巴縣置屬南潯州又析巴縣  
涪陵置永安縣九年樂溫來屬開元二十一年省永安  
入焉有樂溫山

下武龍縣唐武德二年置有武龍山

下恭州古巴子之都戰國為秦所併立巴郡二漢因之  
初平六年分巴為二郡以江州為永寧郡建安六年復  
為巴郡蜀晉宋齊因之梁兼立楚州西魏後周因之隋  
開皇初郡廢改州曰渝州大業初州廢為巴郡唐武德

元年曰渝州天寶元年曰南平郡蜀王氏因之皇朝崇寧元年更名今縣三

中已縣本江州古巴國地周武王封同姓為巴子七國時與蜀俱稱王秦惠王既滅蜀國因使張儀虜巴王而取其地以立巴郡二漢因之建安中劉璋使嚴顏為太守張飛攻陷之蜀以後皆為巴郡而改江州為巴縣梁曰楚州隋唐曰渝州皇朝曰恭州有縉雲山明月峽大

江

中下江津縣本漢江州縣地後既改江州為巴縣乃于此別置江州西魏改曰江陽立七門郡隋開皇初郡廢屬渝州十八年曰江津唐因之故萬壽縣本萬春唐武德三年析江津置五年更名皇朝乾德三年省故南平縣唐置屬霸州貞觀十三年州廢來屬皇朝雍熙五年省入江津

下壁山縣唐至德二載析巴江津萬壽置有重壁山油溪

珍州古蠻夷之地二漢晉隋屬牂牁郡唐屬珍州元和三年州廢屬濠州後復屬西高山唐襄棄之皇朝大觀二年大駱解上下族帥駱世華駱文貴等獻地東西四百五里南北三百五十一里以立珍州亦曰樂源郡今縣一

中樂源縣唐貞觀十六年置屬珍州後廢皇朝大觀二年立珍州復置樂源為州治焉

承州春秋戰國及秦為蠻夷地二漢晉屬牂牁郡通代



恃險不聞臣服隋煬帝時屬明陽郡兼屬黔安唐武德  
四年立夷州貞觀元年州廢四年復置天寶元年曰義  
泉郡唐襄棄之皇朝大觀三年蕨平帥任漢崇等獻地  
東西三百五十九里南北六百六十五里改為承州今  
縣五

綏陽縣隋末置屬明陽郡唐武德二年屬義州貞觀十  
一年來屬而自都上徙州治焉有綏陽山

都上縣唐武德元年析彭水置屬黔州貞觀四年立夷

州十一年州徙治綏陽義泉縣隋末置屬明陽郡唐武德二年屬義州五年屬智州貞觀十一年屬牢州州自信安徙治焉十六年州廢來屬

洋川縣唐武德二年置屬義州貞觀十六年州廢來屬寧夷縣隋末置唐初屬思州武德四年立夷州貞觀元年州廢屬務州開元二十五年來屬自都上以下四縣故基荒廢不可考驗皇朝收復但據夷人所指以置縣然源其始析置移屬則都上當近黔州寧夷當近思州

也

秦州古蠻夷地自漢至隋屬牂牁郡唐貞觀十六年開  
山洞立秦州天寶元年曰秦溪郡唐襄棄之皇朝熙寧  
七年招收置秦懿寨屬南平軍崇寧中復立秦州舊縣  
二

中秦懿縣唐貞觀十六年置為州治後廢皇朝以為秦  
懿寨隸南川縣唐又置樂末縣咸亨元年省

中下扶歡縣唐貞觀十六年置

梁山軍皇朝開寶三年以石氏屯田務立軍今縣一  
中下梁山縣西魏析朐虂置隋屬巴東郡唐武德三年  
屬南浦州八年州廢屬夔州是年復立浦州又來屬後  
改為萬州皇朝開寶三年立軍以為治焉有栢枝山高  
梁水紆溪

同下州南平軍春秋戰國為巴地秦屬巴郡二漢晉宋  
齊因之後為蠻夷所據唐武德二年開南蠻立南州三  
年改曰楚州四年復曰南州天寶元年曰南川郡唐襄

棄之皇朝熙寧七年招收西南蕃部立南平軍今縣二  
中下南川縣本隆陽唐武德二年置為南州治先天元  
年更名唐末廢皇朝皇祐五年復置屬渝州熙寧七年  
以縣之銅佛坦立南平軍而省南川為鎮入隆化元豐  
元年復置有松山得勝山七渡水

中隆化縣唐貞觀十一年置屬涪州先天元年改為賓  
化後復故名皇朝熙寧七年來屬有永隆山羅緣溪焚  
溪胡陽溪

同下州遵義軍歷代地理與播州同皇朝大觀二年蕃  
帥楊文貴獻地東西二百二十二里南北六百一十二  
里置遵義軍今縣一

遵義軍漢且蘭縣地屬牂牁郡唐貞觀元年析牂牁置  
屬郎州十一年州廢縣亦省十三年復立播州亦復置  
縣十四年更名羅蒙十六年更名遵義後自播川徙州  
治焉唐襄播州為楊氏兩族所分據一居播川一居遵  
義以仁江水為界其後居播州者曰光榮得唐所給州

銅牌居遵義者曰文貴得州銅印皇朝大觀二年兩族各獻其地皆自以為播州議者以光榮為族長重違其意乃以播川立州遵義立軍焉

同下州大寧監自五代以前地理與夔州同皇朝開寶六年立監今縣一

中下大曷縣本秦昌晉太康初分秭歸置屬建平郡宋齊因之後周避文帝名改曰建昌而立永昌郡尋廢又改縣曰大昌隋屬巴東郡唐屬夔州皇朝以縣之鹽泉

所置大寧監端拱元年來屬為監治焉故比井縣晉屬  
建平郡宋齊梁因之後周省入有巫溪鹹泉

夔州路化外州

下費州古蠻夷地二漢晉宋屬牂牁郡山川險阻為俚  
獠所居多不賓附至後周始置為費州以費水為名後  
廢隋屬黔安郡唐武德初屬思州貞觀四年立費州天  
寶元年曰涪州郡領縣四

中下涪川縣隋開皇五年置屬黔安郡後廢唐武德四



年析務州置屬思州貞觀四年立費州為州治

中下扶陽縣隋仁壽四年置屬巴東郡唐武德四年屬  
思州貞觀四年來屬

中下多田縣唐武德四年置屬思州貞觀八年來屬

中下城樂縣唐武德四年置屬思州貞觀八年來屬

下西高州春秋為蠻夷地戰國秦漢為夜郎國元鼎六  
年開夜郎屬牂牁郡東漢蜀晉宋因之其後不屬唐貞  
觀十六年開山洞立珍州天寶元年曰夜郎郡元和三

年州廢屬溱州後復立西高州領縣四內樂源地先歸  
附別立珍州

中下夜郎縣本漢夜郎國有豚東南至廣鬱有鬱水又  
東南至番禺城下入海所謂牂牁江也武帝伐南越唐  
蒙言夜郎精兵可得十萬浮船牂牁出不意此制越一  
奇也上乃使蒙從巴符關入見夜郎侯約為置吏及以  
為犍為郡後且蘭反殺犍為太守漢滅且蘭立牂牁郡  
而犍為郡徙治犍道焉夜郎侯入朝上以為夜郎王至

成帝時夜郎王興與鈞町漏卧更舉兵相攻牂牁太守  
陳立渝告興不從命立出行縣至興國且同亭召興入  
見立數責因斬之以其地為縣屬牂牁郡東漢以後因  
之後廢唐貞觀十六年開山洞置夜郎縣為珍州治李  
白流夜郎即此元和三年州廢屬濠州後復立曰西高  
州

中下麗高縣或作麗臯唐貞觀十六年置

中下榮德縣唐未置

輿地廣記卷三十三

欽定四庫全書

輿地廣記卷三十四

宋 歐陽忞 撰

福建路

大都督府福州春秋為七閩地戰國越王無疆為楚所滅子孫分散或居閩地以州服於楚秦為閩中郡而越後世曰無諸從諸侯平秦漢高帝五年封為閩越王都此及武帝時閩越反國除徙其民於江淮之間其地遂

空後有逃遁山谷者頗出立為治縣屬會稽郡東漢因之吳分屬建安郡晉太康三年立晉安郡宋齊因之陳兼立閩州後改曰豐州隋平陳郡廢改州曰泉州大業初州廢立建安郡唐武德六年曰泉州景雲二年曰閩州開元十三年改今名天寶元年曰長樂郡後升威武軍節度唐末為閩王氏所據石晉時入吳越後周改彰武軍皇朝太平興國二年復曰威武軍今縣十二

望閩縣漢封閩越王無諸都此後隸治縣屬會稽郡東

漢為侯官都尉吳屬建安郡晉太康三年分立晉安郡  
及置源豐縣以為郡治宋齊因之後省入東侯官隋開  
皇九年郡廢改縣曰原豐十二年更今名大業初置建  
安郡唐曰泉州又曰閩州又曰福德有九仙山福山金  
崎山

望侯官縣東漢置侯官都尉晉曰侯官縣屬晉安郡宋  
齊因之後曰東侯官而省原豐入焉隋開皇九年改東  
侯官曰原豐唐武德六年復置與閩縣分治郭下八年

省長安二年析閩復置元和三年省五年復置有閩山螺江昔閩人謝端釣得異螺因名之有侯官浦

望福清縣本禺安唐聖厯二年析長樂置天寶元年改為福清唐朱梁改為永昌後唐同光初復故名晉天福初改為南臺後復故後更今名有練門江

望懷安縣皇朝太平興國二年析閩豐有方洪塘江

望長溪縣唐武德六年置尋省入連江長安二年復置

有仙遊山白水江



望連江縣本溫麻晉太康四年以溫麻船屯置縣屬晉安  
安郡宋因之後省唐武德六年析閩地置尋更名有材  
塘唐貞觀元年築

望古田縣唐永泰二年析侯官尤溪置有石塘山古田  
口

緊長樂縣本新寧唐武德六年析閩置尋更名有海壇  
山演江

緊永福縣本永泰唐咸通二年析連江及閩置皇朝崇

寧元年更名有高蓋山

中閩清縣朱梁乾化元年王審知於梅溪場置有竹山  
鍾湖

中羅源縣本永州自五代置皇朝天寶五年改為永昌乾  
興元年改今名有四明山

中寧德縣五代置有大海

上建州春秋為七閩地戰國為越人所居秦屬閩中郡  
二漢屬會稽郡吳永安三年分置建安郡晉宋齊梁因

之陳屬閩州後屬豐州隋平陳郡廢屬泉州大業初州  
廢屬建安郡唐武德四年立建州天寶元年曰建安郡  
唐末為閩王氏所有升鎮武軍節度石晉時入南唐改  
永安軍又改忠義軍後降軍事皇朝端拱元年升建寧  
軍今縣七

望建安縣蓋越王句踐冶鑄之所漢誅閩越徙其民以  
空其地有遁逃山谷者後頗出焉乃立為治縣屬會稽  
郡東漢分治地為會稽東南二部都尉東部台州是也

南部今縣是也吳置建安縣以為郡治晉以後因之隋廢郡屬泉州州廢屬建安郡唐立建州有白鶴山茶山建安水東溪

望甌寧縣皇朝治平三年析建安建陽浦城置與建安分治郭下咸寧三年省元祐四年復置

望建陽縣晉太康中置屬建安郡宋以後因之後省唐武德四年復置八年省入建安垂拱三年復置有浮石山建陽溪

望浦城縣漢末置漢興縣吳改曰吳興屬建安郡晉宋  
因之後省隋末復置唐武德四年改為唐興後省入建  
安載初元年復置天授二年曰武寧神龍元年復名曰  
唐興天寶元年更今名有孤山太湖山

望崇安縣皇朝淳化五年升崇安場為縣有武夷山  
緊開隸縣皇朝咸平五年升開隸鎮為縣有洞宮山  
上松溪縣五代時置有松溪

上泉州春秋為七閩地戰國為越人所居秦屬閩中郡

漢屬閩越國後及東漢屬會稽郡吳屬建安郡晉屬晉  
安郡宋齊因之後置南安郡隋平陳郡廢屬泉州唐初  
亦屬焉聖歷二年立武榮州三年廢久視元年復置景  
雲二年更名天寶元年曰清源郡唐末為閩王氏所有  
石晉時附于南唐升清源軍節度皇朝太平興國三年  
改平海軍今縣七

上晉江縣唐開元八年析南安置而自南安徙州治此  
有泉山晉江

中南安縣吳置東安縣晉改曰晉安屬晉安郡宋以後  
因之後置南安郡隋平陳郡廢改縣曰南安屬泉州唐  
武德五年置豐州貞觀元年州廢屬泉州聖歷二年立  
武榮州後改為泉州而徙治晉江有金雞山晉水

中同安縣晉屬晉安郡後省五代復置

中惠安縣皇朝淳化五年析晉江置有錦田山洛陽江  
中永春縣五代置有石鼓山

下清溪縣五代置有廬山溪水

下德化縣五代置有靈磬山

上南劍州春秋為七閩地戰國為越人所居秦屬閩中  
郡漢屬閩越國後及東漢屬會稽郡吳屬建安郡晉宋  
齊梁陳因之隋屬泉州唐屬建福汀三州南唐李景立  
劍州亦曰劍浦郡皇朝太平興國四年為南劍州今縣  
五

緊劍浦縣本延平晉屬建安郡後省五代置及劍浦縣  
南唐立建州初治延平後徙劍浦而延安省入有延平



津晉張華雷煥所佩龍泉太阿二寶劍後躍入水化為  
二龍即此津也

上將樂縣晉宋屬建安郡後省唐武德五年析邵武復  
置撫州七年省垂拱四年析邵武及故綏城地復置屬  
建州元和三年省五年復置皇朝太平興國四年來屬  
上左溪縣唐開元二十九年開山洞置屬福州南唐時  
來屬

中沙縣宋曰沙村縣屬建安郡後省唐武德四年置沙

縣屬建州後省入建安永徽六年復置大業十二年屬

汀州

下順昌縣南唐置

下汀州春秋為七閩地戰國為越人所居秦屬閩中郡漢屬閩越閩後及東漢屬會稽郡吳屬建安郡晉宋以後屬晉安郡隋屬泉州唐開元二十四年開福撫二州山洞置汀州天寶元年曰臨汀郡唐末為閩王氏所有石晉時附南唐後改南州皇朝乾德四年復故名今縣

五

望長汀縣本晉新羅縣地屬晉安郡唐開元二十四年  
開山洞置治新羅大厯四年徙治白石皆長汀縣地有  
靈蛇山鄞江溪

望寧化縣唐開元二十四年開山洞置有鐵石山黃連  
洞

上上杭縣本長汀縣之上杭場皇朝淳化五年升為縣  
有香嶺山鍾岳

上武平縣本長汀縣之武平場皇朝淳化五年升為縣  
有靈洞山

清流縣皇朝元符元年析長汀寧化置

下漳州春秋七閩地戰國為越人所居秦屬閩中郡漢  
屬閩越國後及東漢屬會稽郡吳屬建安郡晉宋以後  
屬晉安郡隋屬泉州唐垂拱二年析福州西南境置天  
寶元年曰漳浦郡唐末為閩王氏所有石晉時入南唐  
今縣四

望龍溪縣梁置屬南安郡隋唐屬泉州聖歷二年屬武  
榮州開元二十九年來屬乾元二年州自李澳川徙治  
焉有九龍山

望漳浦縣唐垂拱二年置為州治開元四年徙治李澳  
川故懷恩縣與漳浦同置二十九年省入有九侯山李  
澳溪

望龍巖縣唐開元二十四年置屬汀州大厯十二年來  
屬

望長泰縣五代置屬泉州皇朝太平興國五年來屬有鼓鳴山

同下州邵武軍歷代地理與建州同皇朝太平興國五年立邵武軍今縣四

望邵武縣本昭武吳置屬建安郡晉武帝更名宋齊因之後省隋開皇十二年復置屬撫州唐武德四年復置綏城縣屬建州七年邵武亦屬貞觀三年省綏城入焉皇朝太平興國五年立軍有飛猿嶺邵武溪

望光澤縣皇朝太平興國六年析邵武置有烏君山烏嶺

望泰寧縣本歸化南唐置屬建州皇朝太平興國五年來屬元祐元年更名有梅溪

望建寧縣本歸化南唐置屬建州皇朝太平興國五年來屬有百丈山三溪

同下州興化軍厯代地理與泉州同皇朝太平興國四年為興化軍今縣三

望莆田縣隋開皇中屬泉州尋省入南安唐武德五年  
析南安復置皇朝以縣之游洋百丈二鎮地立太平軍  
尋改興化有壺公山昔有人隱於此遇一老翁引至絕  
頂見宮闕臺殿翁曰此壺中日月也

望仙遊縣本清源唐聖歷二年析莆田置屬泉州天寶  
元年更名皇朝太平興國四年來屬有九仙大目溪  
中興化縣皇朝太平興國四年析莆置有百丈溪

輿地廣記卷三十四